

親征平定朔漠方略

二四

親征平定朔漠方略卷之三十七

乙未。

駐蹕天城。撥官修道。

上諭大學士伊桑阿曰。修道之事。若責地方官。則必太過。可遣鄉導官法保布達。照朕幸穆闌例。修一車可行之道。山西修道。則著按察使巴錫道員王輔。前往集夫督修。令侍郎常綬前去備各

站草料柴薪。併備後來尚書庫勒納等解到。馳
騾所需草料柴薪。渡黃河後。陝西之道甚濶。無
庸大修。或有宜略修處。亦未可定。著常綬法保
布達。視有應修之處。指示地方官修之。尚書馬
齊所擬宿處太近。著法保布達。照朕此行以五
六十里爲一宿。如大修道路以致累民。與地方
官無涉。皆法保布達之事。著交明。

恩賞哈密使人哈薩克呼里拜。理藩院奏言。大學

士伊桑阿傳

上諭曰。哈密達爾漢白克之人。阿南達家人。解托克
齊哈什哈來。現在京城著行文該部。此文一到。
卽驛遞遣行。其達爾漢白克之人。著啟皇太子。
酌量給賞。達爾漢白克之子白奇。解塞卜騰巴
兒珠爾來。與伊等一同遣行。欽遵查得。先是達

爾漢白克使人納林白克俄羅斯和卓賞以
蟒鑲領羊皮緞袍各一件。緞各三匹。布各二
十四疋。在案。解托克齊哈什哈之回子哈薩
克呼里拜等。應照納林白克等例給賞。阿南
達家人端多卜。已回阿南達處。應臣部差撥
什庫一名。將回子哈薩克呼里拜。驛送至

行在。

上從之。

丙申。

駕至陽和城。

遣督運于成龍等先赴寧夏。是時于成龍到大同府。

上召至行在。

諭曰。噶爾丹年踰六十。命懸旦夕。其妻爲我大兵

所殺其子旋亦就擒。朕今親統六師。征車三駕。
諒彼終被俘獲。必不能復至披猖。爾等先赴寧
夏。候駕途中。如遇塞卜騰巴兒珠爾。可審視之。
至爾等牲口。宜加愛惜。緩緩而行。毋得急馳。

丁酉。

駕次聚樂城。

命貝勒宋喇卜。撥蒙古兵。以備裝載監牧之事。

上諭內大臣曰。著諭貝勒宋喇卜。噶爾丹已將擒獲。

土倫
阿南達解其子塞卜騰巴兒珠爾。旦夕將到。今

聞噶爾丹在薩克薩特呼里克之南。格格特哈

郎古特之地。其人僅餘四五百人。又青海諸台

言俱降。現有人來請安。朕今親往寧夏。著將右

翼三旗貝勒公台吉之兵。共撥二千預備。爾等

蒙古。裝載駱駝。監管收放。素常習練。可預備以

待。俟駕到寧夏。應從何路前進。候旨行。侍衛綽克圖前去。可諭左翼王貝勒貝子台吉。爾等倘聞朕往寧夏。不必從間道來請安。爾等有能効力者。往貝勒宋喇卜處伺候。以聽指揮。

安插厄魯特降人於張家口外。

上諭副都統吳達禪曰。右衛所有厄魯特。著撥戶部司官一員。理藩院筆帖式一員。解往張家口。伊

等。携來馬匹。目前未必可用。聞其羸瘦。應令用其驪馬。往張家口。赴曼都所。此去如彼脚力不足。著董殿邦助之馬驪。沿途食物及馬草。亦著董殿邦給與。此去恐厄魯特馬匹拋棄路上。著小心送到。至各項賞賜衣服等類。俱在董殿邦處。著董殿邦居住右衛。如大將軍處解到厄魯特。著董殿邦收而養之。如解來厄魯特多。則逐

隊解往張家口。俟青草出後。著董殿邦往歸化
城住。如大將軍解到厄魯特。著從外解往張家
口曼都處。厄魯特携來馬七匹。交大同侍郎阿
爾拜喂養。

戊戌。

上駐蹕大同。

命致祭於經過地方帝王陵寢先賢墳墓及名山

大川。

上諭大學士伊桑阿曰。自古人君巡狩。凡所過地方。
前代帝王陵寢。先賢墳墓。及名山大川。無不致
祭。此甚盛典也。朕此行沿途所有古帝王陵寢。
先賢墳墓。名山大川。著查明具奏。應祭者祭之。
自湖灘河朔至寧夏。設立驛站。行兵部奏曰。
情願坐塘効力。原任巡撫布顏努等十三人。

併効勞贖罪五十七人。或俱從邊內帶在。或從邊外遣行。請

旨定奪。

上曰。著情願効力十三人。自湖灘河朔至寧夏。隨伊等內自酌便。均派爲十三站。將安站之期。移知大將軍費揚古。如期後事到。俱於湖灘河朔所設驛站馳送。倘期前事到。仍令於邊內驛站馳

送。可以是告議政諸臣其前來贖罪之五十七人俱著自邊外前往。

以侍郎多奇飼馬瘦損革職。

上諭內大臣曰侍郎多奇自去年九月起喂馬後撥

侍郎阿爾拜喂馬多奇所喂之馬旣多數月較

瘦於阿爾拜所喂之馬交與該管大臣大學士

嚴加議處具奏會議以爲侍郎多奇自去年九

月起喂馬。後撥侍郎阿爾拜喂馬。多奇所
之馬既多數月。較瘦於阿爾拜所喂之馬。
奇理合勤勉。小心喂養。而將預備軍需之馬。
怠玩不喂肥壯。殊爲可惡。坐此。將多奇侍郎
及佐領之職盡行革去。拿送刑部。得

旨。多奇依議革職。著於此次從軍効力。旋師之日。
拿交刑部。

命給官兵沿途馬匹草料。或折價銀。

上諭內大臣曰。視衆人坐馬。腹皆枵然。殆買草不得之故耳。著查明由邊內前去大臣侍衛護軍執事之馬數。若沿途有草則給草。無草則折給價銀。

已亥。

上仍駐蹕大同府城內。足撥邊內邊外兩路兵丁馬

匹糧餉

上諭內大臣曰。大同喂馬新滿洲護軍二百。京城所
取新滿洲護軍一百。內有馬斃人劣者一百。畱
大同。其一百由邊內帶去。一百由邊外遣往。畱
於大同一百護軍之馬。各取肥者二百。給前去
二百護軍各一匹乘坐。旣帶黑龍江將軍薩卜
素標兵前去。則大將軍費揚古處不可以不備。